

Atletismoa ♦ Azkoitia-Azpeitia maratoi erdia korrituko da igandean

Gomezek Fizen errekorra nahi du

Goi mailako korrikalariak izango ditu probak

Erredakzioa / Donostia

AZKOITIA-AZPEITIA maratoi erdiak gai mailako parte hartzaileak izango ditu, iaz bezala. Antolatzaileek maratoin puntan aritzen diren hamar bat korrikalari jarriko dituzte lehian gizonezkoetan: Alejandro Gomez, Diego Garcia, Alberto Juzdado, Antonio Silio, Hicham Chatt eta Mohamed Erraui marokoa-rrak, Fekadu Bekele etiopiarra, Peter Kipkoech keniarra, Asier Zarraga,... Eta hauekin batera, Asier Cuevas, Vicente Capitan eta Teodoro Cuñado izango dira besteak beste. Maila bikaina. Emakumezkoetan ere, korrikalari bikainak izango dira Azkoitiako irteeran. Rocio Rios Espainiako errekorren jabea bertan izango da, Ana Mari Pardo eta amaia Insaustirekin batera. Proba goizeko 10:45etan hasiko da, eta ibilbideak ohikoa izango da.

Gomezek Fizen errekorra ondu nahi du

Alejandro Gomez galiziarrek iazko esperientzia txarra ahaztu nahi du, eta horretarako Martin Fizek duen Espainiako maratoi erdiko errekorra ondu nahi du.



ARTXIBOKOA

Alberto Juzdado eta Diego Garcia onenen artean izango dira gaur.

Gomezek iaz garaipena eskura izan zuen, baina azken metroetan pankartaz erratu eta Abel Antonek aurrea hartu zion.

Antolatzaileek 1000 parte hartzailetik gora nahi zituzten, baina ez da posible izan. Azken datuen arabera, 800 inguru izango dira Azkoitiako irteeran.

Keniarrek faborito Gallartako lasterketan

Igande honetan Zierbenan korrituko den Gallartako lasterketan hiru keniar dira garaipena eskuratzeko faborito nagusiak: Weslwy Cherem, Gideon Talam eta John Miaka. Probak 10 kilometro luzera izango du.

laburrean



JOAQUÍN ABREU MIRANDA / EPA

Collin McRae irabazi du Portugalgo Rallya.

Ford etxeko Collin McRae gidari eskoziarrak irabazi du Portugalgo Rallya, Carlos Sainz espainiarren aurretik. Sainzek 12 segundora amaitu zuen, eta ezin izan zuen lehen postua eskuratu. Hirugarren Didier Auriol frantziarra izan zen, 16 segundora. Tommi Makinen finlandiarrek lider jarraitzen du Mundialean, McRae eta Auriolen aurretik.

E R R U G B I A

■ Irazu berriro aritu zen V Nazioetako Torneoan

DANIELE IRAZU hendaiarrak Frantziarrekin jokatu zuen emakumezkoen V Nazioetako Torneoaren laugarren jardunaldian. Ingalaterraren kontra aritu zen, eta ingelesak gailendu ziren 8-13, entsegu bana eginda. Ingalaterrak fisiko eta teknika hobea erakutsi zuten. Bestalde, martxoaren 28tik apirilaren 3a bitarte gizonezkoen junior mailako Munduko Txapelketa jokatu da Galesen. Frantziak jakitera eman du deialdiaren zerrenda, eta hiru euskaldun daude: Henri Vermis (Baiona), Beñat Arraia (Maule) eta Ismael Harinordoki (Garazi).

E S K U B A L O I A

■ Barcelonak eta Ciudad Realek gaur jokatu dute finalerdietako lehen partidua

BARCELONAK eta Ciudad Realek gaur ekingo diote elkarren arteko finalerdia. Lehen partidua Palau Blaugranak jokatu da, arratsaldeko 8:30etatik aurrera (Sportmania). Kataluniarrak dira berriro Liga irabazteko faborito nagusiak, eta Ciudad Realek badaki ez duela Barcelona kanpoan uzteko aukera handirik.

T X I R R I N D U L A R I T Z A

■ Atzo aurkeztu zen Eibarren igandean korrituko den Balentziaga Oroitzarrea

ATZO arratsaldeko 8:00etan aurkeztu zuten Eibarren igandean korrituko den afizionatu mailako Balentziaga Oroitzarrea lasterketa garrantzitsua.

Saskibaloia ♦ Korac Kopako finalerako joanekoa jokatu zen atzo

Estudiantesek eskura du

Estudiantes	Barcelona
93	77

Estudiantes.- Azofra (13), Jimenez (9), Barceas (4), Reyes (16), Vandiver (17), —hasierako bostekoa—, Martinez (6), Robles (11), De Miguel (12), F. Reyes (4), Braña (1).

Barcelona.- Djordjevic (20), Esteller (15), Alston (16), Gurovic (8), Rentzias (8) —hasierako bostekoa—, Rodriguez (3), Dueñas, Junyent, Fernandez (7).

ATSEDENEAN: 39-42.

Gorka Zabaleta / Donostia

ESTUDIANTES taldeak erabakigarria izan daitekeen abantaila lortu zuen atzo Barcelonaren aurka jokatu-tako Korac Kopako finaleko lehen partiduan. Madrildarrekin bigarren zatian egindako defentsa bikainean oinarritu zuten garaipena, eta orain Barcelonak 16 puntuko desabantaila gainditu behar du Palaun. Partidu hasiera oso orekatua izan zen. Estudiantesek erasoan lortutako erreboteei esker eutsi zion

Barcelonari, eta madrildarrekin izan ziren markagailuan abantaila lortu zuten lehenak (21-13). Barcelonak, ordea, ez zuen etsi eta atsedendian kataluniarrak ziren aurretik (39-42). Bigarren zatian hasieran apurtu zuen partidua Estudiantesek. Defentsa bikainari esker Barcelona ez zuen erasoan asmatzen, eta madrildarrekin 18 puntuko abantaila izatera iritsi ziren. Azken minutuetan gizon garrantzitsuen galdu zituen Estudiantesek, baina ongi eutsi zion aldeari.